

25892/P

53050

PANDECTAE MEDICAE

SIVE

SVCCINCTA EXPLICATIO

RERVM MEDICARVM

IN

INSTITVTIONIBVS DIGESTIS NOVELLIS
OBYIARVM

SRIPSIT

D. *CHRISTIANVS GOTTFRIDVS*
GRVNER.

PROF. MED. IENENSIS.

IENAE 1800.

SVMTIBVS VIDVAE FIDLERIAE.



V I R O

DOCTRINA ET MERITIS

CONSPICVO

IOANNI ALEXANDRO
EKER

MEDICINAE ET CHIRVRGIAE DOCTORI AC
PROFESSORI IN PERANTIQA FRIBVRGENSIVM
VNIVERSITATE CLARISSIMO ACADEMIAE
CAESAREO - REGIAE MEDICO -
CHIRVRGICAE VIENNENSIS
SOCIO CET.

MEDICO VERE HIPPOCRATICO

FAVTORI ET AMICO

PLVRIMVM COLENDO

HANC

OPELLAM ANTIQVARIAM

HONORIS ET AMICITIAE

TESTIFICANDAE CAUSA

D. D. D.

AUCTOR.

PANDECTAE
MEDICAE.

THE UNIVERSITY OF CHICAGO
LIBRARY

PRAEFATIO

Quoties in memoriam adolescentiae redeo, (redeo autem saepissime) toties iuvat meminisse virorum de me longe meritissimorum, GEISLERI, MORI, ERNESTI. Qui cum puero et adolescenti sciendi cupido et ad quaecumque meliora

parato gustum litterarum humaniorum, graecarum latinarumque, instillarent, feruentique ingenio hortando et suadendo calcaria subiicerent, ignem et stimulos non detraherent, summam iis semper gratiam, pietatem honoremque habendum esse duxi, quod mihi nasci et adulescere contigerit iis temporibus. Sperare enim poteram, ut a talibus tamque eruditis viris educatus et omni litterarum genere imbutus, dignus aliquando existam et illis, et patriae *). Sic parentibus multum, praeceptoribus plurimum debeo. Illi vitam, hi vero sensum boni malique dederunt, neque defuerunt vnquam iuueni consiliis, in-

ritu-

*) Sic ad me pertinere puto, quae PHILIPPVS ap. A. GELLIVM Noct. Attic. IX. 3. p. 120. ed. Ald. de ARISTOTELE scripserat.

stitutione, exemplis ad imitandum propositis. Erat tunc Lipsia plena graecarum artium latinarumque disciplinarum, colebantur studia varia vehementius, nec negligebatur medicina sub professoribus artis et scientia, et dexteritate, et fauore conspicuis. LUDWIGIVM et GEHLERVm nuperrime fatis defunctum nominasse sufficiat. Ille me hospitem ac conterraneum fideliter in singulis disciplinis, quae ad formandum medicum pertinere videntur, erudiuit, hic vero me a patre, fene annis et meritis grauiissimo, consule Gorlicensium emerito, in ipso mortis discrimine commendatum domum suam recepit, et cum fratre lectissimo, eheu! nuper morte immatura erepto, fouit, excitauit, iuuit. Hinc factum est, vt, cum mihi

litteris humanioribus a pueritia suagissem, nec iste amor veterum scriptorum et medicorum virum vnquam dimitteret, sed animum potius ex muneris taedio et strepitu fessum recrearet, rerum varietate et conuitiis malorum hominum pressum excitaret, miserrimo belli statu ciuiumque discordia conflictum ad meliorum temporum spem euocaret. Non deerit materia legendi et per omnem vitam discendi, cui omnis patet antiquitas, magnus ex his litteris fructus quaeri, haud poenitenda delectatio animique remissio ex his studiis peti poterit, quam plurimi recentiorum medicorum temere negligunt atque spernunt. Vitam sine litteris mortem esse censeo, hae vero omnium temporum, aetatum et locorum

eorum sunt, auctore TULLIO *), haec studia adolescentiam alunt, senectutem oblectant, secundas res ornant, adversis perfugium ac solatium praebent, delectant domi, non impediunt foris, pernoctant nobiscum, peregrinantur, rusticantur.

Quorum vis et suauitas cum tanta sit, quanta est maxima, saepe mecum indolui nostrorum medicorum socordiam, qui nullam ab his litteris, quas omnino ignorant, utilitatem sperandam esse ad raum usque iactitant, maluntque esse per omnem vitam elementarii, quam docti viri, diabolari scientia acquiescere, quam consummata excellere,

A 4

Par-

*) Orat. pro ARCHIA poeta, p. 509. Voll. II.

Parui est ingenii de mentis paupertate studiorumque neglectu gloriari, non pati posse opes et diuitias spernere, quibus commode potiri ac frui liceat, obtusi est ingenii, semper humi repere, nihilque praeter praxin et panem, libellos vernaculos et circenses ludos sectari, abiecti denique est ingenii malis artibus inclarescere, iisque pecuniam primum quaerere, virtutem post nummos. Est vero et illa litterarum humanitatis praestantia, ut hominem vitae priuatae publicaeque aptum reddant, praeceptis animum excolant, exemplis mores molliant, inest et omnis seculi monumentis, quod hominem et meliorem, et doctiorem, ciuem munere digniorem, scriptorem disertorem ac elegantiores faciat. Hinc recte

SENECA *), *lectio certa prodest*, inquit, *varia delectat*, neque cupienti librorum inopiam dolendam esse puto, magis vero suadendum delectum, ne copia nimia et indigesta velut mole sua ruat atque obruatur. Mirari tandem aliquando censores obscuri definant, quorum haec scire interest, me in deuexa aetate constitutum ponere nec posse, nec velle istum litterarum humaniorum amorem, quem puer ceperam, iuuenis hauseram, et, data scribendi occasione, malle scrinia veterum auctorum compilare, quam historias morborum leues et incertas scribere, vel speciosis ac fumosis experimentis inclarescere. Non desunt medici, qui talia scri-

A 5

bant,

*) Ep. 45. p. 126. T. II.

bant, obseruatiunculas et miracula iactent practica, suam ergo cuique veniam damus petimusque vicissim.

Haec quam maxime praemonenda duxi, cum falcem in alienam messem iniicere, ac in foro alieno litigare videar. Quaeris rationem, L. B. ergo accipe, si placet. Noueram latere in pandectis, institutionibus, codice ac nouellis fundamenta iuris, et appellare identidem iureconsultos, siue actores rei, siue iudices, corpus iuris, tanquam dirimendae litis principium. Poteram ergo praesumere in his recondita velutique sparsa esse latinitatis veteris et communis semina, cum, qui in foro litigant, fere de rebus in quotidiana vita obuiis ac personis rixentur. Et in
his

his describendis saepius versatur medicus, cui, si ad lexica ventum est, praeter inanem pauperiem et quandam quasi barbariem nihil boni offertur, nihil, quod ad significationem verborum iuris et aliarum rerum, de quibus contenditur, omnino pertineat. Vide ipsum recentissimum lexicographum, SCHELLERVM, et me verum dixisse profiteberis. Desunt fere vocabula medica, iuridica, militaria, oeconomica, culinaria, domestica et id genus alia, et si quando ipse rebus nouis noua vocabula quacrit, malus profecto Oedipus est. Redeant ergo ad corpus iuris, qui talia curant, nec habebunt, cur de impensa opera doleant: Largam enim

enim messē facient, qua possint dictare lexica, et adiuuare latine scribendi negotio distentos misereque vexatos. Adeant etiam medici, si velint et possint sibi prospicere, et inuenient cum verba, tum modum, quo de rebus ad communem vitae vsum, politiam et medicinam forensē pertinentibus apte ac latine scribi debeat.

Insunt praeterea corpori iuris argumenta quaedam mere medica, quatenus de ratione decisionis quaeritur, sed talia medici nostrorum temporum non curant. Sibi placent morborum nominibus et formulis, sibi de sua scientia empirica, extemporanea, mendaci fere

ac lucrosa plaudunt scilicet, pauci de iurisprudentiae et medicinae *) connubio veluti naturali et necessario cogitant, paucissimi, quantum memini, de sepultura in vrbe, de sectione caesarea, si qua grauida subito extinguatur, de abortiuis cet. quasi aliud agendo leges veteres memorant. Sed haec fere leuia sunt, plura restant iuris momenta, quae medici docti et experti explicatio-

nem

*) Vid. C. FR. TRILLER Exerc. de vinculo, quo medicina cum iurisprudentia cohaeret, Viteb. 1778. DELIVS (Entwurf einer Erläuterung der teutschen Gesetze, besonders der Reichsabschiede aus d. Arzneygel. u. Naturlehre, Erlang. u. Leipz. 1753, §. 5. p. 7.) aliqua innuit, non explicat.

nem desiderant; v. c. lex Aquilia, edictum aedilitium, de inspiciendo ventre, de vûneribus, de morte inferenda, de parricidio, de sicariis, de venenis, de statu impuberis et furiosi, muti et fur-di, de deiecto et effuso, de stupro, de spadonibus, castratis; cinaedis, hermaphroditis, de tempore partus, de mancipiis venalibus, de medicis et professoribus, de archiatriis rel. De his medicæ ac historice varia dici et scribi possunt, quorum nec vtilitas ambigua, nec cognitio superflua; nec iucunditas temere spernenda est.

Quare gratam istam tractationem *) iureconsultis fore non dubito, quam animi

*) *Corpus Iuris* — opera et studio SIM. VAN LEEUWEN,

mi laxandi gratia mihi scribendam fumo,
 meque lubens ac promptus accingo ope-
 ri, sed ita, vt, missis POMPONII, VLPIANI,
 PAVLLI aliorumque prudentum decre-
 tis, intra eos limites me contineam, qui-
 bus medici personam rite ac commo-
 de tueri possim, fragmenta, quibus
 medici mederi posse videantur, ex
 principiis artis et pro viribus, sed stri-
 ctim et carptim explicem, cetera, quae
 vel facile intelliguntur, vel ad alienum
 forum spectant, intacta et aliis illustran-
 da

WEN, *Amstel. et L. B. MDCLXIII.* Hanc
 ego editionem, et optimam, et ad vsum ap-
 tissimam in percensendis fragmentis et com-
 mentario scribendo sequor.

da relinquam. Pollicentur medici, quae medicorum sunt.

Habes ergo, L. B. quae me facturum esse spondeo. Quam bene, viderint artis periti. Plura qui desiderant a proposito; meo vel aliena, vel vitae generi non satis apta, vel tempori, quod prolusionibus academicis fere datur, minus consentanea, ipsi, si velint et possint, manum operi admoueant. Per me licet: Ego vero moror neminem vel nimis audacem, vel in re sua disertum. Fortes fortuna iuuat, curiosos variatio rerum delectat, iureconsultos confirmat medicorum iudicium.

INSTITVTIONES.

Iustas *) nuptias inter se ciues Romani contrahunt, qui secundum praecepta legum coeunt, masculi quidem puberes, feminae autem viri potentes. —

Quaesitum est, an *furiosi filia* nubere,
aut *furiosi filius* **) vxorem ducere possit,
cum-

*) Institut. Lib. I. Tit. 10. p. 5. ed. *Sim. van Leeuwen*, Amstel. 1663.

**) *Furiosus* est, quem insania longa et rabiosa tenet. Cf. ZACH. PLATNER Prol. qua

cumque super filio variabatur, nostra
processit decisio, qua permissum est ad
exem-

medicos de infanis et furiosis audiendos
esse contendit. Lips. 1740. recus. Opusc.
T. II. n. 18. p. 146. Quaestio iudiciaria
est, num filius furiosi vxorem ducere, filia
nubere possit? Quidni? Vitium mentis,
quod patrem male habet, non ideo commu-
ne habendum esse videt r filiis, qui si sanae
mentis sunt, faciant, quid e re esse vide-
tur. Alia res est, commodae istae nuptiae
et salubres sint reipublicae, nec ne, si haec
quidem aegritudo mentis gentilitia quasque
perpetua familiae est. Tunc equidem omnino
dissuaderem, quia latet anguis sub herba,
neque satis tuta ab his nuptiis posteritatis
salus est. Datur *mania* et *fatuitas heredita-
ria*, quicquid quidam auctores probabiliter,
et si non satis vere, scripserint in contra-
rium. Cf. I. CL. ROUGEMONT Abh. über
die erblichen Krankheiten, Francf. 1794.
p. 107. seq. et WILL. PERFECT. Auserles.
Fälle von verschied. Arten des Wahnsinns,
Leipz. 1789. Fall 24. 25. p. 265. seq.

exemplum filiae furiosi filium quoque (furiosi) posse et sine patris interuentu matrimonium sibi copulare, secundum datum ex nostra constitutione modum. —

Sed *) et illud vtriusque adoptio-
B 2 nis

*) Ib. L. I. Tit. 11. §. 9. p. 6. Mira est apud iureconsultos et medicos confusio atque disputatio de *spadonis*, *eunuchi* et *castrati differentia*. Vid. P. ZACCHIAE Quaest. med. legal. T. I. L. II. Tit. 3. Qu. 7. p. 199. seq. *Spado* significat in genere virum, cui impotentia generandi inest, (Digest. L. 50. Tit. 16. n. 128. p. 781.) ideoque ista generalis appellatio sub se comprehendit varias formas, quarum una est a natura i. e. a partu, si deest vnus alterue testiculus, (ARNOB. adu. gent. L. V. p. 163. et ff. De iure dot. si serua) altera est vi vel arte facta, si cui testis vterque vel alteruter ante pubertatem ademptus, euulsus vel destructus est, (huc pertinent *thlibiae* et *thlabiae*, de quibus vid. PAVLLVS De Re

nis commune est, quod et ii, qui gene-
rare

Re Medic. V. 68. p. 580. Coll. Steph.) ter-
tia orta est ab vitio frenuli vel glande im-
perforata alienoue loco forata, (hi rectius
dicuntur *hypospadiaci* sub auctore PAVLLO
l. c. Lib. VI. 54. p. 573.) quarta a morbo
temporario profecta est, eoque sanabili,

Apud SVIDAM explicatur *spado* per *ὀκνέ-
μις*, (tunc idem est, qui castratus) apud
STEPH. BLANCARDUM Lexic. med. Vol. II. p.
1156. ed. Ifensl. dicitur esse in genere eunu-
chus seu testiculis orbus, proprie vero, qui propter
contusionem vel in uniuersum propter alium
eorum morbum semen prolificum producere
impos est: Tunc iterum idem est, qui eunu-
chus. Quo sensu sumitur apud IUVENAL.
Satyr. 6.

a domino factus spado.

Sic explicari debet apud LIV. Hist. IX. 17.
dum *mulierum et spadonum* *ugmen* iungitur.
Poterat ergo *spado* coire, nonnunquam ge-
nerare, si quando nec ista naturae vis omni-

rare non possunt, (quales sunt *spadones*)

B 3 ado-

no demta, sed debilitata et quodammodo fracta erat. Quo spectat IUVENAL. Sat. 1.

cum tener uxorem ducat spado,

Interdum *spado* et *eunuchus* promiscue sumuntur, v. c. HORAT. L. Epod. Od. 9. v.

13. *rugosi spadones*, apud seriores scripto-

tores *spado* et *equus spadatus*, *eunuchizatus*

et *spadatus*, in Digest. L. 48. Tit. 8. n. 5,

p. 729. *spadones facere* idem est, quod ca-

strare, apud ALEXANDR. APHRONIS, Problem.

10. p. 205. ed. Lugd. dicuntur *spadones im-*

perfecti, quibus circa pubertatem testes ex-

secti confractive fuerant, residua rei vene-

reae cupiditate. At vero non male distin-

guit SINIBALDVS Geneanthrop. L. III. Tract.

3. c. 3. p. 321. *In castratis et eunuchis*, in-

quit, *est negatio fecunditatis*, in *spadonibus*

privatio tantum, illi ergo nunquam genera-

re possunt, hi sub conditione possunt.

Eunuchus (cf. WITHOE De castratis com-
mentatio, Duisb. 1756) est per se animal

sexus

adoptare possunt, *castrati* autem non possunt. —

Furio-

sexus nullius et significationis dubiae. In genere est, cui desunt testiculi, ideoque demta virilitas i. e. ea pars corporis, per quam viri sumus, et inire cum spe sobolis possumus. Huic ergo hominum generi nullum est semen, recte monente auctore Hippocratico L. De Genitur. §. 3. p. 125. T. I. ed. Lind. De varia vocis significatione vid, FOESIVS Oeconom. *Hipp.* p. 250. DIETERICH Iatreum *Hipp.* n. 357. p. 491, et WEBER Onomatol. med. T. I. p. 2654. ob species eunuchorum scurriliter allatas.

Est ergo *eunuchorum* nomen et peruetus, et generale: Id quod colligitur loco Matth. 19. v. 12. p. 86. Vol. I. ed. sec. Griesb. vbi CHRISTVS sospitator memorat *eunuchos ab utero* i. e. sine testibus natos vel virilibus male conformatos, *eunuchos ab hominibus* i. e. castratos, *eunuchos per religionem* i. e. se ipsos castrantes per castitatem
opi-

opinionemque salutis aeternae vel famam scilicet. Ad primam classem pertinent, qui carent et scroto, et testibus, vel, quod fere usu euenit, eos intus habent reconditos. Talis fuit DOROTHEVS, episcopus Antiochenus, teste EVSEBIO, (Hist. Eccles. VII. 28. p. 177. ed. Bas. 1528.) etiam circulator illz callidus, puellis Ienenfibus infestus et infidiosus, cuius, ni fallor, meminerunt, G. W. WEDELIVS et SIMON. (Delineat. impotent. coniugalis, Ien. 1682.) Ad alteram referuntur tantum non omnes, qui vel ob vocem acutam et sonoram pueri, vel per vim illatam, morbum et necessitatem aegri secti sunt, vel studio ac arte imbelles atque inhabiles veneri facti. Ad tertiam spectant ORIGENES (Euseb. Hist. Eccles. VI. 6. p. 135. et COMBARVS (Lucian. De Dea Syria p. 768. T. III.) quin ipsi melancholici, qui in furorem et rabiem acti sibi ipsi virilia demerere ausi sunt, vel ex parte i. e. solos testes, vel omnino i. e. vna cum mentula. Cf. KÜHN, viri cl. Comm. de melanchol. genital. sibi praecedente, Lips. 17. —

Speciatim dicuntur *eunuchi*, quibus testiculi casu laesi, cultro vel medicamentis exsecti sunt, seroto vacuo, residua cicatrice, vel vna penis resectus atque praecisus est, ne qua coeundi potestas vel suspicio virilitatis superesset. De his valet HORAT. Serm. I. Sat. 2. v. 44.

Quin etiam illud

*Accidit, ut quidam testes caudamque salacem
Demeteret ferro,*

Hinc etiam isti homines dicuntur κατ' ἐξοχήν *castrati*. Priores forte nominandi videntur *castrati imperfecti*, posteriores *perfecti*. Illi rem habere cum mulieribus possunt, iudice GUARINONO Confil. 462. p. 529. sed sine damno famae mulierum et ventris, (hinc cari fuerunt puellis et matronis Romanis, teste ac censore IUVENALI Sat. 6. *volles eunuchi*) hi vero nec inire possunt, quia deest mentula, vel potius, si verbis PACIFICI MAXIMI uti licet, turpiter decidit. Hoc etiamnum Turcis (SCALIGER Exercit. 104. Sect. 8. p. 387. et BVSBEQV. Epist. Itin. Turc. p. 157.) familiare esse dicitur, ne eunuchi, quibus datum est thalamos servare pudicos, possint vel audeant illicito modo

do insidiari mulierum pudicitiae. Eunuchi, quibus testis quidem nullus est, sed penis reliquis cum liquoris prostatici copia, sentiunt, iudice idoneo GALENO L. De Vsu Part. XIV. 11. p. 791. T. 4. Opp. lat. veneris stimulos atque igniculos, et vacantfurtivis amoribus. Ad hos spectasse videtur TERENTIUS Eunuch. Act. 4. Scen. 5.

At pol ego amatores audieram esse mulierum eos maximos,

Sed nihil potesse.

Ex eorum grege sine dubio fuit apud MARTIALEM Epigr. 7. L. IX. *spado moechus*, item EUTROPIUS apud CLAUDIANVM, qui adulteriis creverat. Hi quidem viros se simulant, et sectantur mulieres, sed irritus labor est, cum liquor prostaticus, quem inter amplexus effundunt, prolifica destituitur vi.

Duplex erat *castrandi* animantis ratio, (PALLAD. De Re Rust. VI. 7. p. 276. ed. Ald.) *comprimendo et refecando testes*, hinc intelligitur, quare Levit. 22. v. 24. *ῥαξιδίαν, καὶ ἐκτεθλιμμένον, καὶ ἐκτορίαν, καὶ ἀπεσπασμένον*, tanquam mutilum, deo offerre nefas erat. Vtraque castratio inde a

prisca aetate translata temerario ausu in ho-
 mines ipsos est, quippe SEMIRAMIS regina
 (AMMIAN. Hist. XIV. 7. et CLAUDIAN. in Eu-
 trop. I.) omnium prima teneros mares ca-
 strasse perhibetur, deinde tentata a chirur-
 gis iussu potentum in seruis, (PLAUT. As-
 nar. Act. I. Scen. 3.) et in adulteris, (VA-
 LER. MAX. Dict. Fact. Memorab. VI. I. n.
 13.) si quando in feruente scelere depre-
 hendebantur. Artem castrandi describit
 PAVLLVS De Chirurg. lib. int. FELIC. Bas.
 1533. c. 68. p. 15. cf. REGN. DE GRAAF De
 Viror. Organ. p. 4. seq. Opp. et inter, recen-
 tiores SCHMUCKER Chir. Wahrnehm. 2 Th.
 S. 354. THEDEN Neue Bemerk. u. Er-
 fahr. Th. I. S. 50. WARNER Chir. Vorfäll.
 S. 194. Prima est *per collisionem* i. e. cum
 testes calida laxati et molliti digitis com-
 primerentur adeo, vt tandem omnino eua-
 nescerent, certe durati et nucleo similes
 remanerent, (hoc VALERIO l. c. est, *ner-
 vis contudit*.) altera *per exsectionem* i. e.
 testis vterque resecatur. Antiquitas
 artis turpissimae cernitur Deuter 23. v. 1,
 vbi a collegio sacro abesse iubetur

ὁ θλαδίας et ἀποκεκομμένος, similiterque species vtraque est apud HIPPOCRATEM L. De Genit. I. c. Hoc ergo apud NONIVM MARCELLVM (De Propriet. Sermon. Antw. 1565. p. 75. et 135.) est *eunuchare* ac *euiare*, in Dig. *eunuchum facere*, seriori aetate *eunuchizare*-

Praeterea *eunuchi* facti sunt *sine ferro* i. e. superhabita radice cicutae ex aceto trita, vt litteris prodiderunt PLINIVS Hist. Nat. XXV. 13. et MARCELL. De Medicam. Empir. c. 53. p. 251. ed. Basil. et post eos ANDR. MATTHIOLVS (Comm. in Dioscor. L. IV. 74. p. 542. et RVELLIVS De Nat. Stirp. L. III, 113. p. 617.) at vero Aegypti sacerdotes modica cicutae sorbitione. v. Io. LANGE. Epist. Med. 69 L I. p. 370. Quae cicuta cum sit narcoticae indolis, videtur ista virilitatis auferendae ratio ad priorem speciem, *per collisionem*, quodammodo esse referenda, quia poterat circa pubertatem illata omnem nervorum vim retundere ac testes contrahere, ne qua superesset in posterum seminis discernendi copia.

Erat etiam *castratio prophylactica* s. *voluntaria*, vt homines tuti essent ab elephantiasi, (AETIVS Tetrabibl. IV. Serm. I. c. 122. p. 665. ed. Steph.) quia sub auctoribus HIPPOCRATE (Aph. 28. Sect. 6. p. 100. T. I.) et CELSO (De Medic. IV. 24. p. 189. ed. Lugd.) caluitium et podagra raro tentant castratos, negantibus SENECA Epist. 95, et CRIBASIO Loc. Affect. Curat. IV. 118. p. 671. cum illi homines eunuchi propter otium et luxum, vtrique morbo essent aequae obnoxii. Nuperrime resequitur mercatori chirurgus Berolinensis, BILGVER, testiculos ad extinguendam nimiam libidinem scilicet.

Ex his, ni fallor, egregie colligitur, quare castratus nec vir, nec femina, (OVID. Amor. II. Eleg. 3. et LUCIAN. Eunuch. p. 163. T. IV.) sed semiuir esse dicebatur, quasi medius inter mares et feminas, vt olim Scythae apud HIPPOCRATE. De Aere, §. 49. p. 356. T. I. cur *consul eunuchus*, *ferri memor*, tam male habebat CLAUDIANVM: l. c. vt in iusto quasi dolore ipsam castrandi viam ad viuum exprimeret,

*Aduolat Armenius, certo mucrone recisos
 Edoctus mollire mares, damnoque nefandum
 Aucturus pretium, fecundum corporis ignem
 Sedibus exhaurit geminis, vnoque sub ictu
 Eripit officiumque patris nomenque mariti.*
 Quin exinde intelligitur, quare LVCIANVS
 l. c. p. 165. eunuchum philosophum iubet inspicere, *εἰ δύναιτο φιλοσόφειν τάγε
 πρὸς τῶν ὀρχέων*, eumque spadone deterio-
 rem censet, quoniam hic quidem se virum
 ex parte praebere potest, ille vero exsectus
 et virilitate omni spoliatus generare nullo
 modo potest.

Quibus strictim et carptim explicatis, facile est de legis vi iudicare. *Castrato* non licet *adoptare*, cum ei a puero sint exsecti testes et demta omnis generandi vis,, hinc pro morbofo habendus est, *spado* contra, quatenus natiuitate, casu, morbo, *monorchis* est i. e. vno teste (RIOLAN. Anthropogr. II. 31. p. 272. BORELL. Obs. med. phys. Cent. 2. obs. 60. p. 160. TIMAEVS a GÜLDENKLEE Opp. L. III. Cas. 45. p. 165.) praeditus, altero priuatus, vel *parorchidio* aeger i. e. testiculo (GAVB. Pathol. §. 243.) e scroti sacco sur-

sursum retruso, aliena sede inguinis im-
 pacto, vel *νευψόρχις* s. *testicondus* i. e. in-
 tus (GRAAF l. c. p. 7. et SCHVRIG Spermatol.
 c. 2. §. 14. p. 55. seq.) in abdomine, quo
 ante partum latebant, testes quasi occul-
 tans vel in vtroque inguine (GAVB. l. cit. §,
 257.) retinens, scroto nullo, qualem equi-
 dem noui egregie mentulatum et libidino-
 sum, vel vacuo et flacco, cicatrice nulla,
 habet omnino ineundi generandique vim.
 Nihil enim refert, quo loco et situ testes sint,
 modo adsint isti seminis fabri et rigidus
 penis, cuius ministerio in sinum muliebrem
 deferatur. Nulla est, iudice PAVILLO l. c.
 certe dubia generandi vis in *hypospadiais*,
 etsi grauidam fieri posse mulierem cl. METZ-
 GER (Verm. med. Schrift. 1, B. n. 5. p. 192.
 seq.) contendit, anceps et improbabilis est,
 si de iis quaeritur, quos legislator nominat
thlibias i. e. quibus collis per vim, artem
 et casum testes sunt, adeoque compressi,
 vt vasa seminaria suo munere amplius fun-
 gi nequeant, et *thladias* i. e. quibus testes
 a cremastere separati et auulsi sunt. In his
 quia omnino sublatus est vasorum semina-
 lium aditus cum ipsa seminis secernendi
 poten-

potentia, nulla superest generandae sobolis spes, in illis vero aliqua, etiam si per exigua, superest, si istud infortunium, istam genitalium cladem; qua nulla grauior viro, nulla indignior accidere potest, perpeffi sunt sub aetate adultiori. Tunc enim fieri potest, vt, teste altero illaeso, vel alterutro parte quadam (VAN DER LINDEN Medicin. Physiol. p. 275.) integro, nec omnia vasa oblitterentur, et aliqua seminis conficiendi atque eiaculandi potestas relinquitur. In pueris si quid acciderit, spes generandi demta in perpetuum est, quia testis collisione ista fractus ante pubertatem et omni crescendi vi orbatus sensim pedetentimque deteritur quasque consumitur, referuntque nihil tales viri, modo hoc nomine digni sunt, nisi minutula marcidaque corpuscula in scroto pendulo. Hi quidem inire possunt, sobolem procreare non possunt. Probe noui virum et sanum, item insigni naso et mentula praeditum, cui vxor est amabilis et liberorum percupida, sed testis vterque puero collisus crudeli rota scilicet. Virum se praebet, sed sine effectu.

fectu. Cf. VALENTINI Nouell. Med. legal. Caf. 6. p. 23. *De coniugio eunuchi.*

Vnum restat dubium, *spadones* generandi vim habeant, nec ne. In textu negatur, et alio loco (Dig. LXXI. Tit. I. n. 6. p. 305.) cum conditione admittitur. Legitur apud SVIDAM PYTHIADIS ex eunucho generatio. Miraculosae mehercule nuptiae, si haec vera esse debent! Nominantur etiam *thlibiae* et *tlhadiae*. His equidem generandi potestatem omnino denegarem, quia testes sunt temere ac omnino collisi, ergo inhabiles veneri fecundae censendi. Qua de re favor legis mihi videtur inde natus, quod virorum more et inire, et liquorem vulvae infundere poterant, isque liquor apud veteres communi voce γονῆς i. e. geniturae siue seminis comprehenditur, et veteres medici γονοῦρῳίαν per *seminis profluuium* vertunt, etiamsi humor, quem in gonorrhoeicis mentula plorat, mucus glandularum meatus urinarii tenuatus, non Semen est.

*Furiosus vel minor viginti quinque annis
tutor*

Sùmebatur ergo profusus prostratae liquor pro vero semine, credebanturque spadones e collegio virorum esse, cum naturà suà et actu non, nisi semiuiri sint.

At vero callidae mulierculae, vt furtiuam celarent venerem, quaedam exempla factae conceptionis atque grauiditatis retulisse dicuntur! Recte ac praeclare scilicet! Erant enim Romae omnia venalia et credibilia. *Memorat SILIMACHVS, HIPPOCRATIS sectator, teste CAELIO AVRELIANO, (Morb. Chron. I. 3. p. 290. ed. Amman.) contagione quadam plurimos ex incubo, veluti lue, apud urbem Romanam confectos, infectatur IUVENALIS puellas romanas ideo, quod abortiuo opus esset. Quidni persuaderent mulieres in amoribus totae spadoni credulo se ex coitu irritò esse factas grauidas, tuncque poterat cum OVIDIO (L. Amor. II. Eleg. 13.) exclamare;*

Et

*) tutor testamento datus tutor tunc
erit,

Et tamen aut ex me conceperat, aut ego credo.

Est mihi pro facto saepe, quod esse potest.

Sed quid prohibet, quo minus *castrati* idem ius adoptionis consequantur et habeant? Idem enim agunt ac peragunt, quod spadones, donec superest mentula integra et illaefa: Cui ignotus est castratus Berolinas longe famigeratissimus arte cantandi et futuendi? Intelliguntur sine dubio h. l. castrati, quibus resecti testes cum mentula erant, ii que spadone multo deteriores et inferiores sunt, quia eis deest ea pars, qua viri sumus, ergo nec licet quidem veneris castra sequi, nec amantium more militare. His quidem nullum adoptionis ius esto.

“) Ib L. I. Tit. 14. §. 2. p. 7. *Furius* sum, si lucida intervalla habet, tutorem esse i. e. munia tutoris per vires corporis ac animi obire posse, equidem lubenter largior, sed an satis recte et cum commodo pupilli,
fere

erit, cum compos mentis aut maior viginti quinque annis fuerit factus. —

Pupilli *) pupillaeque, cum *puberes* esse coeperint, tutela liberantur. *Pu-*

C 2.

berta-

fere ambigo. Hoc enim hominum genus, etiam si furoris expers et pacatum esse videatur, est vel extra accessionem paullo hebetius ad iudicandum et tardius ad officia peragenda, quia facillime ac inopinanter redeunt ad suetam insaniam, si vel res inuisa, vel homo quidam odiosus animum satis mobilem subito ciet atque vehementer vrget. Talia vero in foro non deesse inter omnes constat. Mallem ergo dari tutorem sanae, quam insanae mentis, ne quid detrimenti res et opes pupilli capiant. *Minor aetate* fere idem est, ac qui imbecillus mente ac iudicio immaturus est.

*) Ib. L. I. Tit. 22, et Tit. 23. p. 8. *Pubertas* ab incipiente ac crescente pube nomen habet,

bertatem autem veteres quidem non solum ex annis, sed etiam ex habitu corporis

habet, et nota veneris peragendae ferendaeque certissima est: Hinc dicitur ista *aetas nubilis*. Haec fere incidit in utroque sexu in annum XIII. ut ex auctoritate medicorum retulit MACROBIUS, (In Somn. Scipion. L. I. c. 6.) etsi per fauorem legis feminis annus XII. competere statuitur. Id quod exinde mihi manasse videtur, quod quaedam puellae voluptuariae, plethoricae ac laute viuentes, cum maxime sub caelo calido, citius maturescere ac menstruare incipiant. Quo viso sanguinis menstrui fluore, inreconfulti recte statuunt feminam esse viri potentem et conceptioni aptam. Id etiam apud nos nonnunquam incidere probat exemplum, quod exp. WAITZ in l. *Thüring. Bothe* nuperrime retulit. Datur ergo *pubertas sueta s. naturalis* i. e. annis certis adstricta, et *praecox* i. e. cum maturitate corporis ac animi citata, datur etiam *plena pubertas* (Instit. L. I. Tit. 11. §. 4. p. 6.) i. e. decem

poris in masculis aestimari volebant. Nostra autem maiestas dignum esse castitate nostrorum temporum (existimans) bene putavit, quod in feminis etiam antiquis impudicum esse visum est, id est, inspectionem habitudinis corporis, hoc etiam in masculos extendere. Et ideo nostra sancta constitutione promul-

C. 3

gata,

cem et octo annis constans. Haec quidem et naturae, et legi aptissima esse videtur. De tutore lege prouisum et sancitum est, ut ad annum XXV. usque porrigatur et constituatur tutela, quia vires naturae, constitutio corporis et iudicandi prudenterque agendi vis sibi non semper aequales sunt. Exceptio ergo legis in maturiori iudicio et rerum gerendarum facultatae quam maxime cernitur. Cf. N. H. GUNDLING de pubertatis probat. ap. Roman. p. 23. in Gundlingian. W. G. PLOUVET Diss. sist. aetates humanas, earumque iura, Tubing. 1778. et l. vom menschl. Alter und den davon abhängenden Rechten, ibid. 1779.

gata, *pubertatem in masculis* post decimum quartum annum completum illico initium accipere disposuimus, antiquitatis normam *in feminis* bene positam in suo ordine relinquentes, ut post duodecim annos completos viri potentes esse credantur. — Masculi quidem puberes et feminae viri potentes usque ad vicesimum quintum annum completum curatores accipiunt, quia, licet puberes sint, adhuc tamen eius aetatis sunt, ut sua negotia tueri non possint. —

Furiosi *) quoque et prodigi, licet maiores.

*) Ib. §. 3. p. 8. *Mente captus*, quatenus minus apte de rebus extra se positis et sensus ferientibus iudicare potest, *surdus* et *mutus* a natiuitate, quatenus nec audire dicta, nec pronunciare animi sensa potest, *aeger perpetuo morbo* i. e. insanabili, nec per spatia infestante correptus, pro aequalibus pube-

iores viginti quinque annis sint, tamen in curatione sunt agnatorum ex lege duodecim tabularum. — Sed et *mente captis*, et *surdis*, et *mutis*, et qui *perpetuo morbo* laborant, quia rebus suis superesse non possunt, curatores dandi sunt. —

Et *) quidem naturali iure *communia* sunt omnium haec, aer, aqua profluens, et mare, et per hoc littora maris. —

C 4

Testes.

puerum et impotentibus habendi sunt, et ab omnibus actibus iudicialibus prohibendi, quia eis per imbecillitatem mentis non licet rebus suis recte prospicere. Eadem ratio *furiosi* est, cum is, qui sibi ipse prospicere non potest, etiam si annis maturior ac corpore validior, ob mentis imbecillitatem in numero impuberum recte collocatur,

*) Ib. L. II. Tit. I. §. I. p. 9. *Communia*
i. e.

Testes *) adhiberi possunt ii, cum quibus testamenti factio est, sed neque
mulier

i. e. omnium sunt, sed ita, vt legibus quodam modo restringantur, neque cuique liceat iis promiscue vti, sed cum conditione. Ita etiam communia sunt *iura hominum*, ea tamen lege, ne nimis in damnum alterius extendantur.

*) Ib. L. II. Tit. 10. §. 6. p. 14. Satis perspicua lex est, cum qui testes esse idonei velint, iusta aetate, sana mente rectoque iudicio esse, audire voluntatem testatoris, verbis exprimere, literisque consignare debeant. Maniacus, cuius furor intermissus et per ambitus rediturus est, potest sub hoc tempore haberi pro sano, (mente enim constat) ergo etiam hoc in statu testamenti factionem habet, minime, si furore perpetuo est: Id quod infra CAIVS satis clare ac recte scripsit. Alia quaestio est, an iure testari possit is, quem *delirium febrile* tenet. Ego vero testamenti factio-

mulier, neque impubes, neque seruus, neque furiosus, neque mutus, neque surdus, — possunt in numerum testium adhiberi. — Testamentum *) facere non

C 5

pos-

tionem ad hunc pertinere nego, quia similiter, vt furiosus, mente sana caret, certe non satis compos mentis est. Cf. ZITTMANN Medicin. Forens. Centur. V. Cas. 81. pag. 1344. seq. et VALENTIN. Corp. Jur. Med. Legal. P. I. Sect. I. Cas. 6. p. 9. Immo vero vel extra febris exacerbationem summa inest corporis mentisque imbecillitas, qua aeger propius abest ab leniori dementia, et fatuitate, ideoque dubium est, tale testamentum recte factum sit, nec ne. Male testatur, qui morti proximus velutique in procinctu testamentum fecerat. Hoc enim testatio mentis integrae esse debet. Quin, bene monente METZGERO, (Syst. d. gerichtlich. Arzneyk. §. 410. p. 370. ed. alt.) abroganda ista testamenti factio videtur, certe legibus restringenda.

*) Ib. Tit. 12. §. 1. et 3. p. 15.

possunt *impuberes*, quia nullum eorum animi iudicium est, item *furiosi*, quia mente carent. Nec ad rem pertinet, si impubes, postea pubes, aut furiosus, postea compos mentis factus fuerit, et decesserit. *Furiosi* autem, si per id tempus fecerint testamentum, quo furor eorum intermissus est, iure testati esse videntur, certe eo, quod ante furorem fecerint, testamento valente. Nam neque testamentum recte factum, neque ullum aliud negotium recte gestum, postea furor interueniens perimit. — Item *surdus* et *mutus* non semper testamentum facere possunt, utique autem de eo *sordo* loquimur, *qui omnino non exaudit*, non, *qui tarde exaudit* *). Nam *mutus* **) is intelligitur

*) *Surdus*, *qui omnino non exaudit*, est perfecte *surdus* i. e. qui nullos omnino sonos percipere potest, (Graeci hoc vitium *κώφωσις* nominant) *qui tarde exaudit* i. e. qui aliquos quidem

gitur, qui eloqui nihil potest, non qui tarde loqui-

dem sonos percipit et distinguit, sed tantum graues et paullo fortiores, debiliores minime. Haec est *auditus granitas* s. βαρυνοσία, lenius quidem vitium, quod per ambitus et augetur, et exacerbat, hinc magis vel minus graue est. (v. TRNKA DE KRZOWITZ Historia Cophoseos et Baryecoiae, Vindob. 1778.) Haec quidem auditus difficultas est et intermittens, et continua, in senibus fere insanabilis, hinc semper dubia chirurgia, quae processus mastoidei perforatione fit. Cf. (KÖLPIN) Die letzte Krankheit des H. C. R. v. BERGER, Copenh. 1791. et J. ARNEMANN Bemerkungen über die Durchbohrung des Process. mastoid. in gewissen Fällen der Taubheit, Götting. 1792. c. f. Datur etiam *paracusis*, i. e. voces articulas distincte audiendi difficultas vel impotentia, SAVVAGES.

**) *Mutus*, qui eloqui nihil potest, laborat vocis priuatione ex partium organicarum vitio,

loquitur. Saepe enim etiam literati et eruditi homines variis *casibus* *) et audiendi, et loquendi facultatem amittunt. — Sed si quis *post testamentum factum* aduersa valitudine aut quolibet alio casu
mu-

tio, eaque mutitas gradu differt ab aponia, *qui tarde loquitur*, ex imbecillitate talis est. Haec impotentia a systematicis dicitur *ischnophonia* i. e. vitium pronunciationis, quo syllaba syllabae cito copulari non potest, contrarius est *battarismus* i. e. quo sermo praecipitatur. VOGEL. Non male huc etiam refertur *balbuties* et *blaesitas*, quae vitiosa vocum pronunciatione constant.

- *) Natura mutum Q. PEDIVM memorat PLINIVS Hist. Nat. XXXV. 7. ictu tegulae in caput illius oblitiosum et memoria debili MESSALAM oratorem, casu sine alia laesione Eph. N. C. Decur. 2. a. 10. obl. 197. Si quis *post testamentum factum* talis est, ratum manet testamentum, quia conditionibus lege constitutis gaudet.

mutus aut surdus esse coeperit, ratum nihilominus manet eius testamentum. *Caecus* autem non potest facere testamentum, nisi per observationem, quam lex D. IUSTINI, patris nostri, introduxit. —

Si *) mulier, ex qua posthumus aut posthuma sperabatur, *abortum**) fecerit, nihil impedimento est scriptis heredibus ad hereditatem adeundam.

Mutum *) neque stipulari, neque promittere posse palam est: Quod et in *surdo* receptum est, quia et is, qui stipulatur, verba promittentis, et is, qui pro-

*) Ib. L. II. Tit. 13. §. 1. p. 15.

**) Ib. L. III. Tit. 20. §. 7. 8. p. 27.
Postumus abortivus, quatenus vitalis non est, ideoque nec legitimus, heredibus officere nullo modo potest.

***) Ib. L. III. Tit. 20. §. 7. 8. p. 27.

promittit, verba stipulantis audire debet. Vnde apparet non de eo nos loqui, qui tardius exaudit, sed de eo, qui omnino non audit. *Furiosus* nullum negotium gerere potest, quia non intelligit, quod agit. — *Infans* *) et qui infantiae proximus est, non multum a furioso distant, quia huiusmodi aetatis pupilli nullum habent intellectum. —

Item **) is, ex cuius coenaculo, vel proprio ipsius, vel conducto, vel in quo gratis habitat, *deiectum effusumque* ***) aliquid est, ita, ut alicui noceret, quasi ex maleficio obligatus intelligitur. Ideo autem
non

*) Ib. Lex per se clara est. *Infans* aequiparatur furioso, sed ita, ut in hoc fere nullum sit iudicium, in illo imbecillum, nec satis maturum, neque, quid iuris sit, intelligat.

**) Instit. L. IV. Tit. 5. §. 1. p. 33.

***) Haec quidem propter curam publicam,

non proprie ex maleficio obligatus intelligitur, quia plerumque ob alterius culpam tenetur. — De eo vero, quod deiectum effusumue est, dupli, quantum damni datum sit, constituta est actio. Ob hominem vero liberum occisum quinquaginta aureorum poena constituitur. Si vero viuat, nocitumque ei esse dicatur, quantum ob eam rem aequum iudici videtur, actio datur.

Iudex enim computare debet *mercedes*

ne cui ex alterius lenitate vel incuria fiat iniuria. Cf. E. B. G. HEBENSTREIT *Lehrsätze der med. Policey* Abschn. 9. §. 269. p. 143. Non ergo ferenda sunt subgrundia, antefixa, (v. GRABALD. *De Partib. Aed. Dictionar.* p. 120. ed. Arg.) antepagmenta, tectoria et id genus aedium ornamenta, quorum casus inopinus aliorum capita ferire ac laedere in perpetuum potest, neque permittendum est, ut matularum sordes interdiu vel noctu effundantur, vel cadauera,

limus

des medicis *) praestitas ceteraque impendia, quae in curatione facta sunt, praeterea operas, quibus caruit, aut cariturus est ob id, quod *inutilis* **) factus est. —

Et

limus et id genus alia inquinamenta plateis proiciantur, ob maleficium, aeris communis corruptionem et viarum immanditiam scilicet. De aestimatione damni videant iudices.

*) Cf. J. CHR. LEVSHNERI De solstris veraque horum appellatione ac differentia excursus, Lignit. et Lips. s. a. et quae ad calcem p. 44. adiecta est SEMPRONII GRACCHI Meditatio de solstro medico. Iustae certe sunt mercedes, cum, quae a medico emitur *vita et valetudo bona*, teste SENECA, (De Benefic. VI. 15.) *res est inaeestimabilis. Mercedem non meriti, sed occupationis suae fert. Non rei pretium, sed opera soluitur.* Hinc etiam verum esse videtur, quod alio loco idem scribit, *erga medicos non mercede defungor, sed plus quoddam debeo, quo plus impendant.*

**) *Inutilis* i. e. mutilus s. laesus.

Sic

Et *) *morbus*, et *aetas*, et necessaria *peregrinatio*, itemque aliae multae causae saepe hominibus impedimento sunt, quo minus rem suam ipsi exequi possint. —

Item **) lex Iulia de *adulteris* coer-
cendis, quae non solum *temeratores alienarum nuptiarum* ***) gladio punit, sed et
eos, qui *cum masculis* ****) nefandam libidi-
nem

*) Instit. L. IV. Text. 10. p. 36. Habent illa excusationem iustam in obeundis officiis publicis, *morbus* et *aetas* ob imbecillitatem, *peregrinatio* ob necessitatem et absentiam.

**) Instit. L. IV. Tit. 18. §. 4. p. 38.

***) *Temeratores alienarum nuptiarum* i. e. adulteri, quatenus alienum torum violant.

****) *Cum masculis*. Vulgo dicuntur *cinaedi*. Vitium erat apud Graecos et Romanos vul-

nem exercere audent. — Eadem lege
Cor-

gare, a diuo PAVLLO Epist. ad Rom. 1, 26,
27. satis bene expressum et recte diuisum.

"Αι τε θηλείαι μετέλλαξαν τὴν φυσικὴν χρῆσιν εἰς τὴν
παρὰ φύσιν, id est, feminae pati natae, vt
elegantè SENECA, (Epist. 95.) viros in-
eunt, et hoc peruerso impudicitiae genere
feminam exeunt: Id quod vocabulo medi-
co, παρὰ φύσιν, significat. Similiter pergit,
οἱ ἄρσενες, ἀφέντες τὴν φυσικὴν χρῆσιν τῆς θειλίας,
ἐξεκαίθησαν ἐν τῇ ὁρέξει αὐτῶν εἰς ἀλλήλους, ἄρσενες
ἐν ἄρσεσι τὴν ἀισχυμοσύνην κατεργαζόμενοι, id est,
misso concubitu muliebri, eoque naturae
conueniente, viri cum viris rem habuerunt:
Hoc vero et contra naturam, et scelestum
iure habebatur. Erat ergo duplex scelus,
aliud mulierum inter se, aliud virorum. Il-
lud iterum vel manibus peragebatur, vel
re, videturque esse idem, quod S. CHRYS-
SOSTOMVS (v. DU FRESNE Glossar. Med.
Graecit. T. I. p. 856.) dixerat μαλακίαν. Scri-
bit enim sic, εὖν γυνήεις μαλακίαν ἑαυτὴν ἐκδύσασα
ταῖς ἰδίαις χερσὶ, id est, si masturbationem facit,
eaque duplex, vel propria, vel aliena manu

per-

(Cornelia) et *venefici* capite damnantur, qui artibus odiosis, tam *venenis*, quam *susurris magicis* homines occiderint, vel *mala medicamenta* *) publice venderint. —

peracta. Τῆς μαλακίας δύο εἰσὶ διαφοραὶ, inquit, μία μὲν ἡ διὰ οἰκείας χειρὸς ἐνεργουμένη, ἑτέρα δὲ δι' ἀλλοτριᾶς, hinc apud eundem occurrit γυνὴ ἡ μετ' ἑτέρας γυναικὸς μαλακισθεῖσα, hinc μαλακίαν δουλεύειν, i. e. pati tale corporis scelus, inter turpia et illicita habebatur. Alterum, quod constat re vel actu, ad *tribadas* pertinebat. Quo sine dubio spectat ἀρρενοκοιτεία, quae ibid. T. I. p. 889. inter septem peccata numeratur, et sic definitur, ut mulieribus et viris communis fuisse videatur. En ipsa verba! ἀρρενοκειτιὰ ἥτις ὑπὸ δύο ἀνδρῶν ἄνευ θηλείας ἐν τοῖς μηροῖς, ἡ καὶ παρ' αὐτῶν θηλειῶν ἄνευ ἀνδρὸς ἐλεηνῶς ἀποπληροῦσθαι πέφυνεν.

*) De adulteris, cinaedis et veneficis infra pluribus. Mala medicamenta sunt, quae vim nocen-

nocendi et occidendi habent, (hinc ap. CELS.
 De Medicin. III. 22. est *corpus malis me-*
dicamentis affectum) apud iureconsultos
 saepe *venenum* significant, cum *pharmacum*
 a graecis promiscue sumtum et *venenum*,
 et *medicamentum* esse possit, et, addita qua-
 litate, quod et quale sit, recte consti-
 tuatur. Hinc Φάρμακον δηλητήριοι et ἀνεσθήριον,
malum et *bonum*, apud medicos legitur,
 adscripta virtute, item *pharmacum cathar-*
ticum, *hypnoticum* cet. VARRO apud NO-
 NIVM MARCELL. De Propriet. Sermon. p.
 373. dic. *medicamentum bibere pro vene-*
num bibere. De *superstitiosis et magicis me-*
dicamentis vid. DIETERICH Iatreum Hipp.
 voc. λόγος p. 723. seq. et. P. FR. ARPE.
 De prodigiosis naturae et art. operibus ta-
 lismanes et amuleta dictis lib. singular.
 Hamb. 1717. Hoc hominum perditissimo-
 rum genus, quod fraudibus malisque ar-
 tibus pascitur, LUD. VON HÖRNIGK in *Po-*
litia medica oder Beschr. dessen, was die Me-
dicin — in Obacht zu nehmen, Francf. 1638.
 Tit. 18. p. 171. seq. sub nomine *Crystallen-*
seher, Geltzenleuchter, Landfahrer, Ofen-
schwärmer, Historier, Storger, Zeergarer,
Wahrsager rel. recensuit, et multis argu-
 mentis

Spadones *) autem, qui generare non possunt, adoptare possunt, et licet filios generare non possint, quos adoptauerunt filios habere possunt.

Sub

mentis granissime puniendos censuit. *Susurri magici sunt carmina* ap. VIRGILIUM et Q. SERENUM SAMMONICUM, *versiculi, verba et voces* ap. HORATIUM, *ἑπιδαὶ et λόγοι* *Σελιτή-ριοι* ap. EURIPIDEM, *Segensprechen* ap. HÖRNIGK l. c. p. 190.

*) *Caii Institut. Lib. I. Tit. 5. §. 4. p. 44.* De his vide, quae supra vberime scripta sunt. Videntur huc referendi, quos Graeci *μαλακοὺς* appellant. Ita enim ap. DU FRESNE. l. c. Append. p. 125. scriptum legitur. *τρῆϊς εὐνούχοι εἰσὶ, ὁ Θληβίας, ὁ κασράτες, καὶ ὁ μαλακὸς ἐκ κοιλίας, quem CHRISTVS Matth. 19. 12. eunuchum ab utero dixit.* Nam paullo post ita definiuntur, *οἱ ἐν σχήματι γυναικῶν πρὸς τὰς γυναῖκας εἰσίοντες ἢ ἀπαλοί.*

Sub *) curatore sunt *minores aetate*, maiores *eueriores*, *insani***, Qui vero *eueriores* aut *insani* sunt, omni tempore vitae suae sub curatore esse iubentur, quia substantiam suam rationabiliter gubernare non possunt. —

Item

*) Ib. Lib. I. Tit. 8. p. 44.

*) Ex notissima iureconsultorum regula, *semel furiosus semper praesumitur furiosus, demens de praeterito praesumitur etiam demens de praesentia*. v. P. ZACCHIAE Quaest. med. leg. L. II. Tit. I. Quaest. 23. p. 159. Remanet tantum non semper quaedam mentis imbecillitas et hebetudo, ut dispositio morbi breui redituri, quem ira, odium et id genus motus animi vel res subitae facile reuocant. *Eueriores* et *interuersiones* sunt prodigi, hinc *euerio domus*, *euertere patrimonium* pro di-lapidare ponitur.

Item *) et ii, qui *furiosi*, id est ,
mente infani fuerint, non possunt facere
testamentum. Sed ii, qui infani sunt,
si interualla ipsius insaniae habent, per
interualla , quibus sani sunt, possunt
facere testameata. —

*) Ib. L. II. Tit. II. §. 4. 5. p. 45. Vid. quae
de his paullo ante scripta sunt.





